



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

Cl. Declaratio circa celebrationem Capitulorum Provincialium
Cappuccinorum.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

cessas, quarum, ac literarum Apostolicarum desuper expeditarum tenores, ac si de verbo ad verbum insererentur, presentibus haberi volumus pro expressis, earumdem tenore presentium revocamus, cassamus, & irritamus, ac revocatas, cassatas, & irritas esse decernimus.

§. 4. Inhibentes proinde Mulieribus prædictis, quæ dd. licentias obtinuerunt, sub excommunicationis lætæ Sententiæ pœna, a qua non nisi a Nobis, seu Romano Pontifice pro tempore existente, præterquam in mortis articulo constitutæ absolvi possint, ne Monasteria prædicta prætextu licentiarum hujusmodi ingredi audeant, seu præsumant.

§. 5. Ipsorum vero Monasteriorum Abbatissis, seu Priorissis, ac Superioribus sub eadem, ac privationis suorum Officiorum, quæ obtinent, & inhabilitatis ad illa in posterum obtinenda ipso facto sine alia declaratione incurrendis pœnis, ne illas in Monasteria hujusmodi introducere, seu admittere, aut ingredi permittere, vel admittas quoquo modo retinere audeant similiter, vel præsumant.

§. 6. Quocirca dilectis Filiis Nostris, & Apostolicæ Sedis Nunciis nunc, & pro tempore existentibus, ac Venerabilibus Fratribus Patriarchis Archiepiscopis, Episcopis, aliisque Locorum Ordinariis, necnon dd. Monasteriorum Prælati, & Superioribus harum serie præcipimus, & mandamus, ut præsentis Literas publicari, & præmissa omnia observari faciant: Contradictores quolibet, ac præmissis non parentes per prædictas, & alias Sententias, censuras, & pœnas Ecclesiasticas, aliæque opportuna Juris, & facti remedia, appellatione postposita, compescendo, invocato etiam quatenus opus fuerit auxilio brachii Sæcularis.

§. 7. Non obstantibus præmissis, ac quibusvis Constitutionibus, & Ordinationibus Apostolicis, cæterisque contrariis quibuscumque.

§. 8. Quia vero difficile foret has Literas ad omnia loca deferri, volumus ut earum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem pro suis fides, tam in judicio, quam extra illud habeatur, quæ haberetur ipsis presentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die 29. Febr. 1676. Pontificatus nostri Anno Sexto.

I. G. Slusius.

Registrata in Secretaria in lib. 6. Brevium divers. fol. 162.

Die 2. Martii 1676. supradictum Breve, seu Constitutio, affixum, & publicatum fuit ad valvas Curie, & in Aie Campi Floræ, ac etiam in aliis locis solitis, & consuetis Urbis per me Alexandrum Albricitium Cursorem Apostolicum.

Antonius Canutus Mag. Curs.

CI.

Declaratio circa celebrationem Capitulum Provinciarum Ordinis Fratrum Minorum S. Francisci Capuccinorum.

CLEMENS PAPA X.

Ad futuram rei memoriam.

Dudum fel. rec. Clementis Papa IX. Prædecessor Noster quædam Decreta, seu Capitula in Capitulo Generali Fratrum Minorum Sancti Francisci Capuccinorum nuncupatorum facta, & stabilita, & inter alia unum, quod cavebatur, ut Capitula Provincialia, quæ annualia erant, in posterum tantum fierent de triennio in triennium, & singulis annis fieret Congregatio intermedia, auctoritate Apostolica confirmavit, & approbavit, & alias, prout in ipsius Clementis Prædecessoris literis desuper in simili forma Brevis die 9. Septembris 1667. expeditis, quarum tenorem presentibus pro plene, & sufficienter expresso, & inserto haberi volumus, uberius continetur.

§. 1. Verum subinde Nos ad instantiam bonem. Federici, dum vixit S. R. Eccl. Cardinalis Borromæi nuncupati dicti Ordinis apud nos, & S. Sedem Apostolicam Protectoris, prædictas Clementis Prædecessoris literas in nonnullis earum articulis diversimode moderati sumus, & inter alia dispensavimus, ut Capitula Provincialia hujusmodi fierent secundum exigentiam Provinciarum, super quo posset Minister Generalis ejusdem Ordinis juxta necessitatem concedere facultatem, & quemadmodum dd. literæ ordinabant, ut Capitula forent triennialia, in futurum fierent de sequianno in sequiannum, sublati Congregationibus intermediis, & alias prout in literis ejusdem Federici Cardinalis Protectoris desuper die 28. Julii 1671. emanatis dicitur contineri.

§. 2. Cum autem, sicut dilecti Filii Stephanus à Cesena Minister Generalis, & Bonaventura à Recineto Procurator Generalis Ordinis præfati Nobis nuper exponi fecerunt, licet ipse Stephanus Minister Generalis vigore moderationis, seu dispensationis a Nobis, sicut præmittitur, concessæ abinde procuraverit, ut communiter omnes Provinciæ ejusdem Ordinis Capitula sesquiannalia, sublati Congregationibus intermediis celebrarent, quippe qui id bono communi magis expedire cognoverit, nihilominus post obitum memorati Federici Cardinalis, & Protectoris a nonnullis super intellectu verborum, quibus dicta moderatio, sive dispensatio vulgari italico idiomate concepta fuit, mota fuerit aliqua difficultas: An scilicet Ministri Provinciales Capitula triennialia cum Congregationibus intermediis retinere possint? An vero post ejusmodi moderationem fuerit, & sit absolute necessaria licentia Ministri Generalis ad retinenda in Provinciis Capitula triennialia, & Congregationes intermedias hujusmodi? Ac utrum Minister Generalis in vim moderationis, sive dispensationis hujusmodi potuerit, & possit adstringere Provincias ad Capitula de sesquiennio, in sesquiennium, sublati Congregationibus intermediis, celebranda, prout communi ipsarum Provinciarum bono magis expedire judicaverit.

§. 3. Nobis propterea Stephanus Minister Generalis, & Bonaventura Procurator Generalis præfati humiliter supplicari fecerunt, ut in præmissis opportune providere de Benignitate Apostolica dignemur. Nos igitur pro peculiari nostro in Ordinem prædictum paternæ charitatis affectu, omnem in præmissis dubietatem, ne exinde religiosa tranquillitas perturbetur, tollere, dictorumque Stephani Ministri Generalis, & Bonaventuræ Procuratoris Generalis votis favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatæ existunt, ad effectum presentium dimittaxat consequendum, harum serie absolventes, & absolutas fore censentes, hujusmodi supplicationibus inclinati.

§. 4. Auctoritate Apostolica tenore presentium declaramus, mentis, & intentionis nostræ fuisse, & esse, per moderationem, seu dispensationem supra expressam, quam iustis ex causis animum nostrum moventibus pro communis totius Ordinis prædicti bono concessimus, Ministro

Pontifex dictum Decretum est moderatus, prout in rubric.

Dubia exorta super intellectu d. Moderationis.

Præces Generalis, & Procuratoris Generalis dicti Ordinis.

Absolutio a Censuris.

Declaratio d. Decreti.

Alia similis Declaratio.

Pœnæ adversus Mulieres contravenientes.

Adversus Abbatissas, seu Priorissas, ac Superiores.

Publicatio demandatur, prout in rubrica.

Contrariis derogat.

Transumptorum fides.

Dat. 29. Febr. 1676. An. 6.

Publicatio presentium literarum.

Clemens IX. confirmat Decretum Capituli Generalis Fratrum Capuccinorum Sancti Francisci.